

UNIVERZITET U SARAJEVU
ELEKTROTEHNIČKI FAKULTET U SARAJEVU
Broj: 12- 698/21
Dana: 12.02.2021.

Na osnovu člana 136. stav (1) Zakona o visokom obrazovanju („Službene novine Kantona Sarajevo“, br. 33/17, 35/20 i 40/2), člana 108. Statuta Univerziteta u Sarajevu (br. 01-1093-3-1/18 od 28.11.2018. godine), člana 69. stav (3) Zakona o javnim nabavkama („Službeni glasnik BiH“, br. 39/14), a u skladu sa Rješenjem Ureda za razmatranje žalbi, Filijala Mostar (br. JN2-03-07-1-3-78-7/21 od 28.01.2021. godine), u postupku javne nabavke roba - Personalni kompjuteri, dekan Elektrotehničkog fakulteta u Sarajevu, *donosi*

O D L U K U
o otkazivanju postupka javne nabavke

I

Postupak javne nabavke roba: Personalni kompjuteri, pokrenut putem konkurentskog zahtjeva, po Obavještenju objavljenom na Portalu javnih nabavki broj: 5714-7-1-122-3-21/20 od dana 24.12.2020. godine, se otkazuje zbog dokazivih razloga koji se nisu mogli predvidjeti u vrijeme pokretanja postupka javne nabavke.

II

Ova odluka objavit će se na web-stranici Elektrotehničkog fakulteta u Sarajevu.

III

Ova Odluka stupa na snagu danom donošenja.

O B R A Z L O Ž E N J E

Povodom postupka javne nabavke roba: Personalni kompjuteri, koji je pokrenut Odlukom dekana Elektrotehničkog fakulteta u Sarajevu (broj: 12-6956/20 od 23.12.2020. godine), putem konkurentskog zahtjeva, objavljena je Tenderska dokumentacija broj: 12-6959/20 kao i Obavještenje o nabavci broj: 5714-7-1-122-3-21/20 na Portalu javnih nabavki dana 24.12.2020. godine. Dana 29.12.2020. godine je putem pošte zaprimljena žalba ponuđača "GRADPROM" d.o.o. Srbac, na navedeno obavještenje i Tendersku dokumentaciju. Ugovorni organ je dana 29.12.2020. godine dopisom broj: 12-7100/20 putem e-maila obavijestio ponuđače koji su preuzeli tendersku dokumentaciju putem portala Javnih nabavki o prekidu postupka do odlučivanja po žalbi. Dana 05.01.2021. godine, Ugovorni organ je u skladu sa članom 100. stav (5) Zakona o javnim nabavkama BiH, u roku od 5 (pet) dana utvrdio da je dostavljena žalba blagovremena, dopuštena i izjavljena od ovlaštenog lica ali neosnovana, te je žalbu sa izjašnjenjem na žalbu prosljedio Uredu za razmatranje žalbi, Filijala Mostar.

Dana 01.02.2021. godine Ugovorni organ je putem pošte zaprimio Rješenje Ureda za razmatranje žalbi, Filijala Mostar broj: JN2-03-07-1-3-78-7/21 od 28.01.2021. godine, kojim se odbacuje žalba ponuđača "GRADPROM" d.o.o. Srbac.

Ugovorni organ otkazuje navedeni postupak, zbog dokazivih razloga koji se nisu mogli predvidjeti u vrijeme pokretanja postupka a na osnovu člana 69. stav (3) Zakona o javnim nabavkama BiH.

Naime, postupak javne nabavke roba: Personalni kompjuteri je pokrenut u skladu sa planiranim sredstvima u Planu javnih nabavki za 2020. godinu (broj: 01-841/20 od 20.02.2020. godine, broj: 01-2067/20 od 19.05.2020. godine i broj: 02-5925/20 od 11.11.2020. godine), usvojenog od strane Upravnog odbora Univerziteta u Sarajevu (broj: 02-19-3/20 od 14.04.2020. godine i broj: 02-33-2/20 od 18.06.2020. godine). Obzirom da je uložena žalba, čime je postupak javne nabavke obustavljen a zbog činjenice da je donesena Odluka o privremenom finansiranju potreba Kantona Sarajevo za period od 01.01.2021. godine do 31.03.2021. godine broj: 01-11-51157/20 od 29.12.2021. godine, na osnovu koje je donesen Privremeni plan javnih nabavki za Elektrotehnički fakulteta za period od 01.01.2021. - 31.03.2021. godine, a usvojen od strane Upravnog odbora Univerziteta u Sarajevu broj: 02-4/21 od 01.02.2021. godine, navedena javna nabavka nije planirana u Privremenom planu javnih nabavki za 2021. godinu, te se postupak otkazuje.

Uzimajući u obzir naprijed navedeno, primjenom člana 69. stava (3) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Dostaviti:

- Finansijskoj službi
- Službi za tehničku podršku
- a/a

